



Pripadnici SIPA-e stali ukraj duhanskoj mafiji

# Oduzeto 35 tona duhana

Za tri mjeseca iz Srbije u BiH prokrijumčareno 220 tona duhana, čime je budžet BiH oštećen u iznosu većem od 18 miliona • Istragom obuhvaćena uposlenica UIOBiH

U akciji kodnog naziva "List", koju su jučer na širem području Bosne i Hercegovine izveli pripadnici Državne agencije za istragu i zaštitu (SIPA) u saradnji s pripadnicima Uprave za indirektno oporezivanje (UIO) BiH, pala je duhanska mafija, koja je u proteklom periodu ostvarila višemilionsku imovinsku korist te nanijela veliku štetu budžetu naše države.

## Uhodana ruta

Kako nam je potvrdila Kristina Jozić, portparol SIPA-e, pozvane su 33 osobe na saslušanje, a do zaključenja ovog izdanja "Dnevnog avaza" nije bilo uhapšenih osoba.

- Pripadnici organizirane kriminalne grupe dovode se u vezu s krijumčarenjem visokotarifnih roba u BiH, odnosno, nezakonitim prometom duhana u listu i sječenog duhana. Sumnjiče se da su u periodu od marta do jula 2015. godine na tržište BiH u ilegalan promet ubacile sječeni duhan u količini većoj od 220 tona s ciljem pribavljanja protupravne imovinske koristi, čime je budžet BiH oštećen u iznosu većem od 18 miliona KM - kazala je Jozić i dodala da nije isključena mogućnost da osumnjičeni budu i uhapšeni.

Akcizne obaveze za tonu

## Nastavljaju aktivnosti

Iz Tužilaštva BiH jučer su saopćili da zajedno s policijskim i sigurnosnim agencijama nastavljaju aktivnosti u borbi protiv svih oblika zloupotreba i nezakonitosti, a kojima se nanosi šteta državi,



Kovačević, Osmić i Jozić prezentirali rezultate akcije

duhana, naime, iznose oko 80.000 KM. S obzirom na to da je prokrijumčareno oko 220 tona duhana, napravljena je višemilionska šteta.

Roba je, kako saznajemo, dolazila dobro uhodanom rutom iz Srbije u BiH.

## Imali špijuna

Akcija koja je više mjeseci brižno planirana počela je na dogovoreni znak, a učestvovalo je više od 200 pripadnika SIPA-e. Tom prilikom pretreseno je na desetine lokacija, mahom na po-

dručju Hercegovine i sjevernog dijela BiH. Pretresi su obavljeni na području općina Široki Brijeg, Posušje, Šamac, Brčko, Grude, Maglaj, Bijeljina, Mostar, Ljubuški i Ljubinje.

Tokom akcije

koju je Ratko Kovačević, portparol UIOBiH, označio kao jednu od najvećih, oduzeto je oko 35 tona duhana, više mašina za sječenje, zatim 150 kartona cigareta bez dokumentacije o porijeklu, veća količina novca i određena dokumentacija.

- Mi veliki značaj dajemo duhanu. Tokom 2009. godine, kada je na snagu stupio Zakon o akcizama na duhan, mi smo u budžet BiH stavili 449 miliona KM. Prošle godine taj iznos je bio 758 mi-

liona KM. I ranije smo imali sličnih manjih aktivnosti i akcija, nerijetko na tržištima - kazao je Kovačević.

Među osobama koje su obuhvaćene istragom, što nam je potvrdio i Mehmed Osmić, predsjednik Sindikata UIO-BiH, nalazi se i njihova službenica.

- Lopovi su se ujedinili, ali smo i mi. Najgore je što smo ovaj put, kako se to kaže, imali špijuna među nama, koji je nabavljao potrebnu dokumentaciju krijumčarima

što smo ovaj put, kako se to kaže, imali špijuna među nama, koji je nabavljao potrebnu dokumentaciju krijumčarima. Na taj način pokušali su pozitivne rezultate naših aktivnosti i akcije svesti na minimum - rekao je Osmić.

Kako saznajemo, riječ je ženi koja nije bila visokopozicionirana u UIOBiH.